

Fruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
Kolegiju Skupštine Kantona Sarajevo

Uputiti: Vladi Kantona Sarajevo

PREDMET: INICIJATIVA

Poštovani,

U skladu sa članom 213. Poslovnika Skupštine Kantona Sarajevo, pokrećem inicijativu kojom tražim od Vlade Kantona Sarajevo, da se **hitno preispitaju** svi protivpožarni sistemi u javnim institucijama u Kantonu Sarajevo, sa posebnim naglaskom na obrazovne institucije, socijalne i medicinske zdravstvene zaštite.

Obrazloženje

Trinaest mrtvih i više od 30 ozlijeđenih - epilog je požara u Domu penzionera u Tuzli, jedanaest žrtava preminulo je uslijed trovanja dimom. Ova tragedija ponovno je otvorila pitanje sigurnosti, nadzora i uslova u domovima u kojima boravi najugroženija kategorija društva - starije osobe, ali i pitanje preispitivanja protiv požarnih sistema i u drugim javnim ustanovama, prije svega obrazovnim institucijama, socijalne i medicinske zdravstvene zaštite, kako bi se spriječile ovakve ili slične tragedije.

Takođe, napominjem da sam još 1.2.2024. godine, uputio zastupničko pitanje Vladi Kantona Sarajevo, da li je Vlada Kantona Sarajevo formirala novu komisiju o stanju protivpožarne zaštite u stambenom sektoru u Kantonu Sarajevo koja je trebala uraditi analizu i prijedlog mjera? Naime, u Izvještaju o radu Kantonalne uprave za inspekcijske poslove Kantona Sarajevo za 2021. godinu, navedeno je da je Vlada Kantona prepoznala problem protivpožarne zaštite, te je formirala Radnu grupu koja je sačinila informaciju o stanju protivpožarne zaštite u stambenom sektoru u Kantonu Sarajevo, te je dalje navedeno da će se formirati nova komisija koja će uraditi analizu i prijedlog mjera. S tim u vezi, zamolio sam, ukoliko je formirana nova komisija, da nam se dostavi Informacija o stanju protivpožarne zaštite u stambenom sektoru u Kantonu Sarajevo, sa analizom i prijedlogom mjera. Na žalost do danas nisam dobio odgovor na postavljeno pitanje, te ću uputiti urgenciju za dostavu istog.

Obzirom na sve navedeno, a u cilju sprječavanja novih tragedija, pokrećem inicijativu kojom tražim od Vlade Kantona Sarajevo, da se **hitno preispitaju** svi protivpožarni sistemi u javnim institucijama u Kantonu Sarajevo, sa posebnim naglaskom na obrazovne institucije, socijalne i medicinske zdravstvene zaštite.

S poštovanjem,

Sarajevo, 14.11.2025. godine

Faruk Selmanović, zastupnik u Skupštini Kantona